



MAJLIS PERBANDARAN AMPANG JAYA
BAHAGIAN PERHUBUNGAN AWAM DAN SEKRETARIAT
MENARA MPAJ, JALAN PANDAN UTAMA,
PANDAN INDAH, SELANGOR,
55100 KUALA LUMPUR

KERATAN AKHBAR
30 JULAI 2019 (SELASA)

AKHBAR

MUKA SURAT

Berita Harian

- Perkasa PBT bendung pencemaran air.

12



MAJLIS PERBANDARAN AMPANG JAYA
BAHAGIAN PERHUBUNGAN AWAM DAN SEKRETARIAT
MENARA MPAJ, JALAN PANDAN UTAMA,
PANDAN INDAH, SELANGOR,
55100 KUALA LUMPUR

KERATAN AKHBAR 30 JULAI 2019(SELASA)	
Akhbar	Berita Harian
Tajuk Berita	Perkasa PBT bendung pencemaran air
Muka Surat	12

Perkasa PBT bendung pencemaran air

Kuala Lumpur: Peranan pihak berkuasa tempatan (PBT) perlu diperkasakan bagi membendung pencemaran pada sumber air mentah dan sungai di seluruh negara daripada berulang.

Felo Penyelidik Utama, Institut Alam Sekitar dan Pembangunan (LESTARI) Universiti Kebangsaan Malaysia (UKM), Prof Emeritus Datuk Dr Ibrahim Komoo, mendakwa PBT di negara ini kekurangan sumber dan kepakaran biarpun antara agensi yang bertanggungjawab melestarikan alam sekitar.

"Berdasarkan Akta Kerajaan Tempatan 1976, PBT mempunyai kuasa ke atas pencemaran sungai dan menjalankan aktiviti penguatkuasaan bagi hal berkaitan kesihatan.

"Bagaimanapun, malangnya PBT tidak memiliki sumber mencukupi, selain kekurangan tenaga pakar membabitkan isu pencemaran air. Sebab itu aktiviti penguatkuasaan

tidak dapat dilaksanakan dengan sempurna," katanya ketika dihubungi *BH*, semalam.

Ibrahim berkata, PBT seharusnya dibekalkan dengan sumber tenaga manusia mencukupi terutama di kawasan yang memiliki kawasan perindustrian.

Katanya, kekurangan tenaga kerja itu menyebabkan rutin penguatkuasaan menjadi longgar sehingga pihak tidak bertanggungjawab mengambil kesempatan melakukan pencemaran.

Sementara itu, aktivis alam sekitar, Amlir Ayat, mengesyorkan Jabatan Alam Sekitar (JAS) menubuhkan pasukan petugas khas yang berupaya melakukan tugas risikan mengesan pelaku pencemaran.

"JAS boleh bekerjasama dengan agensi lain seperti PBT serta Jabatan Pengairan dan Saliran (JPS) dalam melakukan tugas risikan. Undang-undang sedia ada



PBT seharusnya dibekal sumber tenaga manusia mencukupi terutama di kawasan perindustrian.

Ibrahim Komoo,
Felo Penyelidik Utama,
LESTARI UKM

juga perlu dipertingkatkan bukan hanya dalam konteks pencemaran, malah impak pencemaran kepada hidupan.

"Penguatkuasaan hanya akan berkesan jika semua pihak melakukan usaha mengikut undang-undang dan tidak melakukan penyelewengan yang akhirnya merugikan masyarakat," katanya.

BH dalam laporan eksklusifnya kelmarin melaporkan sikap masyarakat menjadikan sungai seolah-olah tempat pelupusan sampah, sisa pertanian dan industri antara punca utama pencemaran sumber air di negara ini.

Pada masa sama, penguatkuasaan undang-undang yang lemah membabitkan pelbagai agensi kerajaan yang bertanggungjawab terhadap kebersihan sungai dan alam sekitar menyebabkan perbuatan tidak bertanggungjawab itu terus berlaku.